



Index Librorvm Prohibitorvm Alexandri VII

Alexander

Romae, 1667

Præfatio In Indicem Librorvm Prohibitorvm Confectvm à Deputatione
Tridentinæ Synodi F. Francisci Forerii, Ordin. Præd. S.T. Professoris &
eiusdem Deputationis Secretarij.

[urn:nbn:de:hbz:466:1-81440](https://nbn-resolving.org/urn:nbn:de:hbz:466:1-81440)



PRÆFATIO IN INDICEM LIBRORVM

PROHIBITORVM CONFECTVM

à Deputatione TRIDENTINÆ SYNODI

F. FRANCISCI FORERII, ORDIN. PRÆD.

S. T. Professoris & eiusdem Deputationis Secretarij.



VM sancta OEcumenica Tridentina Synodus, ijs rationibus adducta, quæ in secunda sessionis Decreto sub Beausissimo Pio I V. Pont. Max. explicatae sunt, censuisset, ut Patres aliquot, ex omnibus nationibus delecti, de librorum censuris quid statuendum esset, diligenter cogitarent, in eam tandem sententiam, post diuturnam deliberationem venerunt, ut iudicaret nihil utilius fieri posse, quam si Romanus ille prohibitorum librorum Index ab Inquisitoribus Roma postremo confectus, paucis tantum demptis, atque etiam additis, retineretur: quippe qui cum magna maturitate à multis viris doctis compositus, plurimos comprehendat auctores, atque in ordinem satis commodum digestus esse videatur.

Quoniam verò intelligebant, propterea in aliquibus Provinciis, ac locis hætenus eum Indicem receptum non esse, quod in eo quidam libri prohiberentur, quorum lectione viri docti privati, magno incommodo afficerentur: atque animadvertentes etiam, in eo esse nonnulla parum explicanter posita, quæ interpretatione indigerent; re multum diuque deliberationibus agitata, ac viris etiam ex omni natione, Theologica facultatis scientissimis, in consilium adhibitis, subiectas Regulas componendas indicarunt, ut quoad eius fieri posset, dictorum hominum commodis, & studijs, salva veritate, ac religione, prospiceretur.

Illud igitur in primis observare oportet, omniamque pene Alphabeti literarum tres habere Classes.

In prima non tam libri, quam Librorum scriptores, continentur, qui aut heretici, aut nota hæresis suspecti fuerunt: horum enim Catalogum fieri oportuit, ut omnes intelligant, eorum scripta, non edita solum, sed edenda etiam, prohibita esse.

Sed illud etiam animadvertendum est, quod licet multi præterea sint qui iustissimis de causis in hanc classem referri poterant, Patribus tamen non is fuit animus, aut ad eorum pertinebat institutum, ut eos ad unum perquirerent, sed ijs penè contenti fuerunt, qui in Romano Catalogo descripti sunt: de alijs verò eiusdem generis auctoribus, idem ab

Ordinarijs, & Inquisitoribus statuendum esse existimarunt.

In secundam Classem non auctores, sed libri sunt relati, qui propter doctrinam, quam continent, non sanam, aut suspectam, aut quæ offensionem etiam in moribus tantum fidelibus afferre potest, reijciuntur, etiam si auctores, à quibus prodire, ab Ecclesia nunquam deservierunt.

Tertia verò & ultima classis, eos libros complectitur, qui sine scriptoris nomine erant in vulgus, & eam doctrinam continent, quam Romana Ecclesia tanquam Catholice fidei, aut morum integritati contrariam, refutandam, ac repellendam esse decernit.

Non enim omnes libros, qui nomen auctoris non præferunt, dammandos putant: quandoquidem sæpè viros doctos, ac sanctos novimus, ut Christiana quidem Regi, ex eorum vigilijs fructum caperet; ipsi verò inanem gloriam evitarent, libros optimos sine nomine edidisse: sed eos tantum, qui aut liquido pravam, aut dubiam fidei doctrinam, sive moribus perniciosam continent.

At verò, qui sint huiusmodi, aut tales censi debeant, præter eos, qui in hoc Catalogo descripti sunt; Episcopi, & Inquisitores, una cum Theologorum Catholicorum consilio, dijudicabunt.

Sed propter nostrorum temporum malitiam, ne in posterum libri sine nomine auctoris edantur, decreto quarta sessionis Tridentini Concilij, sub sel. rec. Paulo III. quod incipit, Sed & impresoribus, &c. provisum est.

INDICES
Librorum
PROHIBITORII
E. V.
= 4.

INDEX